

Framlegg til foreskrift:

## **Forskrift om spreing av husdyrgjødsel i Vaksdal kommune, Vestland**

Fastsett av Vaksdal kommunestyre den xx.xx.xxxx, med heimel i forskrift av 4. juli 2003, nr. 951, om om spreing av gjødselvarer mv. av organisk opphav § 23 tredje ledd.

### **§ 1. Føremål**

Føremålet med kommunal gjødsselforskrift er å tilpasse lokal praksis og vilkår for spreing av husdyrgjødsel og silopressaft med vidare, til skiftande vêr- og veksttilhøve, slik at intensjonane i nasjonal husdyrgjødsselforskrift om vern mot avrenning og ureining av vatn og grunn, vert oppnådd.

### **§ 2. Verkeområde**

Forskrifta gjeld godkjende spreieareal for husdyrgjødsel og silopressaft som ligg opp til 200 meter over havet. Dette omfattar følgjande område:

- Høvik, Eikemo, Løland og Eikefet i Eksingedalen.
- Området frå Eidslandet til Straume.
- Området frå Dalseid til Stavenes, inkludert Sædalen.

### **§ 3. Spreietidspunkt**

I perioden frå 1. november til og med 15. februar er det ikkje høve til å spreie gjødselvarer av organisk opphav. Det er heller ikkje høve til å spreie gjødselvarer av organisk opphav på snødekt eller frosen mark.

På spreieareal som ligg opp til 200 m.o.h. kan det spreiest gjødselvarer av organisk opphav utan nedmolding fram til og med 15. september.

Spreieareal som ligg høgare enn 200 m.o.h. har ikkje forlenga spreiefrist. Spreing på desse areala skal følgje spreiefristar i «Forskrift om gjødselvarer mv. av organisk opphav» § 23, med 1. september som frist for spreing av husdyrgjødsel utan nedmolding.

I perioden frå siste spreingsdato og fram til 1. november, kan ein unntaksvis spreie gjødselvarer av organisk opphav under spesielt gode omstende og vêrtilhøve. Vilkåret er at gjødsla skal pløyast/ moldast ned innan 18 timar etter spreing.

### **§ 4. Spreiereglar**

For all spreing av gjødselvarer av organiske opphav utan nedmolding etter 1. september, gjeld følgjande vilkår:

- Det kan maksimalt nyttast 3 m<sup>3</sup> gjødsel per dekar.
- Mot alle vassdrag skal det setjast att ei sone på minst 10 meter som ikkje vert gjødsla.
- Ved lagring, uttransport og spreing skal det takast omsyn til vêrtilhøve, jordsmonn og flaumrisiko for å redusere faren for erosjonsskader og avrenning til vassdrag.

**§ 5. Delegering**

Rådmannen har delegert mynde til å gjere vedtak knytt til denne føreskrifta etter Vaksdal kommune sitt delegasjonsregelverk.

**§ 6. Klage**

Vedtak gjort av kommunen etter forskrift om gjødselvarer mv. av organisk opphav, kan klagast på til Statsforvaltaren i Vestland.

**§ 7. Ikraftsetjing**

Forskrifta trer i kraft frå og med 01.01.22, og gjeld fram til den vert oppheva.